

19 APR 1989

130



বিশ্ববিদ্যালয় বন্ধ ঘোষণা : পরীক্ষা স্থগিত
রাজশাহী বিশ্ববিদ্যালয়ে ছাত্র
সংঘর্ষে নিহত ১ আহত ৫০

আরো ৫০ জন আহত হয়েছে।
এই ঘটনার পর বিশ্ববিদ্যালয় কর্তৃপক্ষ
বন্ধ্যান ও গ্রীষ্ম উপলক্ষে আগামীকাল
(বুধবার) থেকে ২১ মে পর্যন্ত
বিশ্ববিদ্যালয় বন্ধ ঘোষণা করেছেন।
আগামীকাল সকাল ৯টার মধ্যে সব
ছাত্রকে হল ত্যাগ করতে বলা হয়েছে।
চালু সব পরীক্ষা আগামী ৪ মে পর্যন্ত
শেষ পঃ ৪-এর কঃ দেখুন

রাজশাহী বিশ্ববিদ্যালয়

প্রথম পৃষ্ঠার পর

স্থগিত ঘোষণা করা হয়েছে।
সংঘর্ষে নিহত ছাত্রটির নাম শফিকুল
ইসলাম (২৩) বলে জানা গেছে। সে
গণিত বিভাগের তৃতীয় বর্ষের ছাত্র এবং
জামায়াত-ই-ইসলামীর ছাত্র সংগঠন
ইসলামী ছাত্র শিবিরের মতিহার হল
শাখার সাধারণ সম্পাদক।
পুলিশ ও প্রত্যক্ষদর্শীরা জানান, ছাত্র
সংগ্রাম পরিষদ ও ইসলামী ছাত্র শিবির
উভয় ছাত্র সংগঠনই পিস্তল, পাইপগান,
হাতবোমা ও দেশে তৈরী মারণাস্ত্রসহ
আগ্নেয়াস্ত্র নিয়ে পরস্পরের সাথে সংঘর্ষে
লিপ্ত হয়।

আহতদের মধ্যে ৬ জনকে হাসপাতালে
ভর্তি করা হয়েছে। এদের মধ্যে ৩ জন
বুলেটবিদ্ধ হয়ে আহত হয়। হাসপাতাল
সূত্র জানিয়েছে, আহত ছাত্র আব্দুস
সাত্তার, নাসিম ও শওকতের অবস্থা
সংকটজনক।

পরিস্থিতি নিয়ন্ত্রণের জন্য বিশ্ববিদ্যালয়
অঙ্গনে পুলিশ মোতায়েন করা হয়েছে।
সেখানে এখনো উত্তেজনা বিরাজ করছে।
এই হত্যার প্রতিবাদে ইসলামী ছাত্র শিবির
রাজশাহী শহরে আগামীকাল (বুধবার)
অর্ধদিবস হরতাল আহ্বান করেছে। তারা
দোষী ব্যক্তিদের দৃষ্টান্তমূলক শাস্তিও দাবী
করেছে।

এদিকে রাতে রাজশাহী বিশ্ববিদ্যালয়ের
ভাইস চ্যান্সেলর প্রফেসর আমানুল্লাহ
আহমদের সভাপতিত্বে সিঙিকেটের
বৈঠক অনুষ্ঠিত হয়।

ভাইস চ্যান্সেলর এই পরিস্থিতিতে ক্রোভ
প্রকাশ করেছেন। তিনি বৃহত্তর জাতীয়
স্বার্থে শিক্ষাক্রমে আন্তরিক পরিবেশ বজায়
রাখার জন্য সংশ্লিষ্ট সকলের প্রতি বিশেষ
করে ছাত্র সমাজের প্রতি আহ্বান
জনান।